

BESTELAKO XEDAPENAK

EKONOMIAREN GARAPEN ETA AZPIEGITURA SAILA

5128

AGINDUA, 2017ko urriaren 18koa, Ekonomiaren Garapeneko eta Azpiegituretako sailburuarena, nekazaritza, arrantza eta elikadurako sektorearen arlo zientifiko eta teknologikoan eta enpresa-arloan ikertzaile eta teknologoak prestatzeko 2018ko laguntzetarako deialdia egiten duena.

2007ko azaroaren 13an, urriaren 23ko 185/2007 Dekretua argitaratu zen Euskal Herriko Agintaritzaren Aldizkariaren 218. zenbakian, Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan eta enpresa-arloan ikertzaile eta teknologo gazteak prestatzeko laguntzei buruzkoa. Azaroaren 24ko 608/2009 Dekretuak aldatu zuen dekretu hori, eta haren helburua da Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan, merkatuetan, marketinean eta enpresa-arloan ikertzaile eta teknologo gazteen prestakuntza sustatzeko laguntzen esparrua ezartzea eta arautzea.

Dekretu horretako 9. artikuluan xedatutakoaren arabera, urtero, laguntza-eskabideak aurkezteko epea zabalduko da, sailburuaren agindu bidez. Bestalde, deialdiko aginduan honako hauek adierazi behar dira: aurrekontu-kreditu erabilgarria; deialdiko beka-kopurua eta bakoitzaren diru-zenbatekoa; ikertzaile eta teknologo gazteak prestatzeko estrategikotzat eta lehentasunezkoztat jotzen diren I+G+B-ko proiektuen zerrenda jasotzen duen eranskina; eta, deialdirako normalizatutako eskabide-eredua jasotzen duen eranskina. Deialdi honetan, gastu-espedientea aldeztetik izapidetzea erabaki da, eta, hortaz, deialdiko laguntzak bideratzeko, beharrezkoa izango da kreditu egoki eta nahikoa egotea Euskal Autonomia Erkidegoaren 2018ko aurrekontu orokorretan.

Deialdi hau ebazterakoan, aintzat hartuko dira administrazio publikoen diru-laguntza jardura arautzen duten publikotasun-, lehia- eta objektibotasun-printzipioak, betiere honako arau hauetan xedatutakoari jarraituz: Euskal Autonomia Erkidegoko Ogasun Nagusiaren Antolarauei buruzko Legearen testu bategina, azaroaren 11ko 1/1997 Legegintzako Dekretuaren bidez onartua; Diru-laguntzei buruzko 38/2003 Lege Orokorraren oinarritzako manuak; Diru-laguntzei buruzko Lege Orokorraren Erregelamendua onartzen duen uztailaren 21eko 887/2006 Errege Dekretua, eta laguntza eta diru-laguntzei aplikatu beharreko gainerako xedapenak. Gainera, diru-baliabide erabilgarriak agindu honetan ezarritako irizpideen arabera aplikatuko dira.

Hori dela bide, hau

EBAZTEN DUT:

Lehenengoa.– Deialdia.

1.– 2018ko ekitaldian, hamabi beka emango dira prestakuntza jasotzen ari diren ikertzaileen-tzako programaren barruan (doktoratu aurrekoak), eta hamar beka, berriz, teknologoak prestatzeko programaren barruan.

2.– Agindu honetako I. eranskinean jasota dago Ekonomiaren Garapen eta Azpiegitura Sailaren iritziz 2018ko ekitaldiko deialdian bi laguntza-programa horietarako estrategikoak eta lehentasunezkoak diren I+G+B-ko proiektuen zerrenda.

Bigarrena.– Iraupena.

Prestakuntza jasotzen ari diren ikertzaileentzako laguntzak badira, kontratuak urtebete iraungo du, eta urtebeteko luzapenak egin daitezke. Ezein kasutan, hasierako kontratuan metatutako iraupena eta luzapenen iraupena ezingo da lau urte baino luzeagoa izan.

Teknologoak prestatzeko laguntzei dagokienez, nahiz eta dekretuan xedatzen den laguntzek ondoz ondoko bi urteko iraupena edo urtebetekoa izan dezaketela, kasu honetan, emango diren laguntza guztiek bi urteko iraupena izango dute.

Hirugarrena.– Eskabideak aurkezteko epea.

2018ko ekitaldian, urriaren 23ko azaroaren 185/2007 Dekretuak araututako laguntzen eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta hurrengo egunetik aurrera.

Laugarrena.– Aurkeztu beharreko eskabideak eta agiriak.

1.– 2018ko ekitaldiko laguntza-eskabideak agindu honen II. eranskinean dagoen eredu normalizatuan aurkeztu behar dira, Eusko Jaurlaritzaren Ekonomiaren Garapen eta Azpiegitura Saileko Elikagaien Kalitate eta Industriako zuzendariari zuzenduta (Donostia kalea 1, 01010 Vitoria-Gasteiz).

2.– Eskabideak zuzenean aurkez daitezke, edo Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan zehaztutako tokietan, betiere apirilaren 29ko 72/2008 Dekretuari jarraituz (72/2008 Dekretua, Euskal Autonomia Erkidegoko Administrazio Orokorraren eta haren erakunde autonomoen erregistroen sorrera, antolaketa eta funtzionamenduari buruzkoa). Eskatzaileak postetxe batean aurkezten badu eskabidea, gutun-azal irekian egin beharko du, postako langileek zigila dezaten eta data ezar diezaioten.

3.– Eskabidearekin batera eskabide-ereduan zehaztutako agiriak aurkeztu beharko dituzte (II. eranskina).

4.– Interesdunek laguntza eskatu ahal izango dute edozein programatan, eta I. eranskinean jasotako guztien artean 3na proiektu aukeratu ditzakete gehienez.

Bosgarrena.– Diru-zuzkidura.

1.– Laguntza horiek finantzatzeko aurrekontua, gehienez ere, 1.354.450,48 eurokoa izango da, Euskal Autonomia Erkidegoko Aurrekontu Orokorren pentzutuan. Zenbateko horretatik, 354.031,44 euro 2018rako ordainketa-kredituei dagozkie, eta gainerako 1.000.419,04 euroak, 2019-2022 ekitaldietarako konpromiso-kredituei.

2.– Gizarte Segurantzari atxikitzearen ondoriozko gastua (urriaren 24ko 1493/2011 Errege Dekretuan xedatuta) 198.884,64 eurokoa izango da; horietatik, 44.456,44 euro 2018rako ordainketa-kredituari dagozkio, eta 154.428,20 euro, 2019-2022 ekitaldietarako konpromiso-kredituei.

Seigarrena.– Eskatzaileek bete beharreko eskakizunak.

Ezin izango dira deialdi honetako prestakuntza-laguntzen onuradun izan honako arau hauetan jasotako egoeretakoren batean dauden pertsonak: Diru-laguntzen azaroaren 17ko 38/2003 Lege Orokorraren 13. artikuluan eta Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50. artikuluan.

Gainera, 2018ko deialdian, laguntza-eskatzailleek egiaztatuta izan behar dituzte betekizun hauek, eskabideak aurkezteko epea amaitzen den egunerako:

a) Europar Batasuneko herritar izatea, edo Euskal Autonomia Erkidegoan bizilekua duen atzerritar.

b) Euskal Autonomia Erkidegoan bizitzea. Ondorio horietarako, eskatu egingo da Euskal Autonomia Erkidegoko udalerriren batean erroldatuta egotea, 2017ko urtarrilaren 1etik aurrera gutxienez. Dena dela, onartu egingo dira, eskakizun hori bete ez arren inoiz EAEn erroldaturik egon baina ikasketak Euskal Autonomia Erkidegotik kanpo egin dituzten eskatzailleak.

c) Ikertzaileak prestatzeko laguntzen programan (doktoratu aurreko bekak), I. eranskinean proiektu bakoitzerako zehaztutako tituluetako bat edukitzea, betiere urriaren 23ko 185/2007 Dekretuaren 5.1.c) artikulua ezartzen duen titulazio-eskakizunen esparru orokorraren barruan: goi-mailako unibertsitate-titulua, edota doktoregoan onartzea eskatzeko eskakizunak betetzea (Doktoretza-ikas-keta ofizialak arautzen dituen urtarrilaren 28ko 99/2011 Errege Dekretuaren 6. artikulua arabera).

d) Teknologoak prestatzeko beka-programan, I. eranskinean proiektu bakoitzerako zehaztutako titulazio hauetakoren bat edukitzea, betiere urriaren 23ko 185/2007 Dekretuaren 5.1.c) artikulua ezartzen duen titulazio-eskakizunen esparru orokorraren barruan: goi- edo erdi-mailako unibertsitate-titulua, goi-mailako heziketa-zikloa edota bigarren zikloko lanbide-heziketa (LH II).

e) Titulu hori lortzeko ikasketak amaitu behar izan dituzte 2013ko ekainean edo geroago.

f) Teknologoak prestatzeko laguntzetarako, ez da onartuko lehendik antzeko bekarik lortu duenik, hau da, nekazaritzako, arrantzako eta elikadurako eskumena duen sailak emandako antzeko bekarik.

g) Ez dute izan behar diru-laguntza edo laguntza publikoak eskuratzea eragozten duen zehapen administratiborik edo penalik, ezta horretarako legezko inolako debekurik ere, sexu-bereizkeriagatiko debekuak barnean izanik, Emakumeen eta Gizonen arteko Berdintasunerako otsailaren 18ko 4/2005 Legearen azken xedapenetatik seigarrenean xedatutakoarekin bat etorritik.

Zazpigarrena.– Laguntzen zenbatekoa.

1.– Prestakuntza jasotzen ari diren ikertzaileak (doktorego aurreko bekak):

a) Ikertzaileek jasoko duten urteko zenbateko gordina 18.574,22 euro izango da, lehen eta bigarren urtean, 19.833,38 euro hirugarrenean eta 24.555,72 euro laugarrenean.

b) Atxikipen-organo, -zentro edo -erakundeek jasoko dute, aldeztu aurretik, ikertzaileen ordainsari gordina eta Gizarte Segurantzaren kuotak, urtean urteko kotizazio- eta hobari-tasei dagozkienak.

c) Orobat, onuradunek laguntza osagarri bat izango dute; izan ere, laguntza bakoitzeko, gehienez 2.000 euro gehiago eskura dezakete urteko, gastuak ordaintzeko. Aldeztu aurretik justifikatuta, doktorego-ikastaroetan matrikulatzeko, zientzia-kongresuetan edo lan-saioetan parte hartzeko, beste ikerketa-zentro batzuetan egonaldi laburrak egiteko, beste ikastaro batzuk egiteko eta abarretarako erabiliko dute diru-kopuru hori.

2.– Teknologoak.

Teknologoak prestatzeko laguntzek 12.000 euroko dotazio ekonomikoa izango dute urteko, bai eta Gizarte Segurantzaren kuota ere. Orobat, onuradunek laguntza osagarri bat jaso ahalko dute (laguntza bakoitzeko, gehienez, 1.000 euro gehiago eskuratu ahalko dituzte urtean). Aldez aurretik justifikatuta, kongresu zientifikoetan edo lansaiotan parte hartzeko, beste ikerketa-zentro batzuetan egonaldi laburrak egiteko, beste ikastaro batzuk egiteko eta abarrerako erabiliko dute diru kopuru hori.

Zortzigarrena.– Ez-betetzeak.

Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan eta enpresa-arloan ikertzaile eta teknologo gazteak prestatzeko laguntzei buruzko urriaren 23ko 185/2007 Dekretuaren 20. artikuluan baldintzak ez betetzeari buruz xedatutakoa aplikatzeaz gainera, jasotako zenbatekoak eta berandutze-interesak itzultzeko prozedurari ekingo zaio, baldin eta laguntzaren onuradunak Euskal Autonomia Erkidegoko Ogasun Nagusiaren Antolarauei buruzko Legearen testu bategineko 53.1 artikuluan adierazitako kasuetako batean sartzen badira, agindu honetan eta bete beharreko gainerako arauetan aipatutako baldintzak edo betebeharrak betetzen ez badituzte edo diru-laguntza emateko kontuan hartu ziren baldintzetako bat edo batzuk betetzen ez badituzte, betiere azaroaren 11ko 1/1997 Legegintzako Dekretuaren 53. artikuluan, Diru-laguntzei buruzko azaroaren 17ko 38/2003 Lege Orokorraren 37. artikuluan eta laguntzak emateko ebazpenean ezarritakoari jarraituz.

Bederatzigarrena.– Betebeharrak.

Onuradunek, urriaren 23ko 185/2007 Dekretuaren 15. artikuluan bildutako betebeharrak betetzeaz gainera, Diru-laguntzei buruzko azaroaren 17ko 38/2003 Lege Orokorraren 14.1 artikuluan adierazitakoa ere bete beharko dute (185/2007 Dekretua, Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan eta enpresa-arloan ikertzaile eta teknologo gazteak prestatzeko laguntzak arautzen dituena).

XEDAPEN GEHIGARRIA

Deialdi honetako laguntzei buruzko ebazpena emateko garaietan, ezinbestekoa izango da kreditu egokia eta nahikoa izatea Euskal Autonomia Erkidegoko 2018. urteko aurrekontu orokorretan, hala ezarrita baitago Euskal Autonomia Erkidegoko Aurrekontu Orokorraren kontura egindako gastu-espeditenteen aurreratutako izapidetzea arautzen duen Ogasun eta Herri Administrazioaren sailburuaren 2007ko apirilaren 26ko Aginduko 5.3 artikuluan.

AZKEN XEDAPENETATIK LEHENENGOA.– Aplikatu beharreko araudia.

Agindu honetan aurreikusita ez dagoen guztirako, honako arau hauetan xedatutakoa bete beharko da: 185/2007 Dekretua, Euskal Autonomia Erkidegoko nekazaritza, arrantza eta elikaduraren sektoreko arlo zientifiko-teknologikoan eta enpresa-arloan ikertzaile eta teknologo gazteak prestatzeko laguntzak arautzen dituena; Euskal Autonomia Erkidegoko Ogasun Nagusiaren Antolarauei buruzko Legearen testu bategina, azaroaren 11ko 1/1997 Legegintzako Dekretuaren bidez onartua; urriaren 1eko 39/2015 Legea, Administrazio Publikoen Administrazio Prozedura Erkidea; urriaren 1eko 40/2015 Legea, Sektore Publikoaren Araubide Juridikoarena; Diru-laguntzei buruzko azaroaren 17ko 38/2003 Lege Orokorraren oinarriko manuak, eta Diru-laguntzei buruzko Lege Orokorraren Erregelamendua onartzen duen uztailaren 21eko 887/2006 Errege Dekretua.

AZKEN XEDAPENETATIK BIGARRENA.– Errekurtsoak.

Agindu honek amaiera ematen dio administrazio-bideari, eta, beronen aurka, aukerako berraztertze-errekurtsoa aurkez dakioke Ekonomiaren Garapen eta Azpiegituretako sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik hasita; bestela, administrazioarekiko auzi-errekurtsoa ezar daiteke Euskal Autonomia Erkidegoko Auzitegi Nagusiaren Administrazioarekiko Auzien Salan, bi hilabeteko epean, agindua EHAAAn argitaratu eta hurrengo egunetik hasita.

AZKEN XEDAPENETAN HIRUGARRENA.– Ondorioak.

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2017ko urriaren 18a.

Ekonomiaren Garapeneko eta Azpiegituretako sailburua,
MARÍA ARANZAZU TAPIA OTAEGUI.

I. ERANSKINA

EKONOMIAREN GARAPEN ETA AZPIEGITURA SAILAK ESTRATEGIKOTZAT ETA LEHENTASUNEZKOTZAT HARTUTAKO PROIEKTUEN ZERRENDA 2018KO EKITALDIRAKO

1.– Prestakuntza jasotzen ari diren ikertzaileentzako laguntzak.
Iraupena: 4 urte.

Zk.	Proiektuaren izena	Eskatzen diren tituluak	Destinoko zentroa
1	Metodologia sensorial berriak garatzea, premia espezifikoa dituzten biztanleen artean elikadura-jokabidea neurtzeko	Elikagaien Zientzia eta Teknologia Gradua Soziologiako Gradua Psikologiako Gradua; Agronomia Ingeniaritza eta Zientziako Gradua Biologiako Gradua; Biokimikako Gradua; Kimikako Gradua; Farmaziako Gradua;	AZTI (Derio)
2	Biosensore entzimatiakoak garatzea, elikagaietan hondakin kutsatzaileak atzemateko	Kimikako Gradua; Biokimikako Gradua; Bioteknologiako Gradua; Elikagaien Zientzia eta Teknologia Gradua	AZTI (Derio)
3	Towards an integrated assessment of the Bay of Biscay marine ecosystem	Biologiako Gradua; Itsas Zientzietako Gradua; Matematikako Gradua	AZTI (Sukarrieta)
4	Datu hidro-akustikoak (sonarra eta ekozunda) aztertzeke metodologiak garatzea, neurri eta espezieen diskriminazioa hobetzeko	Matematikako Gradua; Fisikako Gradua; Informatikaren Ingeniaritzako Gradua; Ingeniaritza Elektronikoko Gradua; Telekomunikazioaren Ingeniaritzako Gradua	AZTI (Pasaia)
5	METALGEN-Metodologia ez-inbaditzaileak puntuan jartzea, mikrobiomaren, elikadura-efizientziaren eta metano-igorpenaren arteko lotura aztertzeke frisona arrazako esnetarako behiengan	Albaitaritzako Gradua; Biokimikako Gradua; Ingurumen Zientzietako Gradua; Biologiako Gradua; Agronomia Ingeniaritza eta Zientziako Gradua	NEIKER (Arkaute)
6	Laborantza estentsibo eta mahastietako izurriteen eta gaixotasunen kontrol agroekologikoa	Ingurumen Zientzietako Gradua; Biologiako Gradua; Agronomia Ingeniaritza eta Zientziako Gradua; Agronomia Ingeniaritzako Gradua	NEIKER (Arkaute)
7	Espezie produktiboetan antibiotikoen erabilera arrazionalizatzea	Biologiako Gradua; Biokimikako Gradua; Bioteknologiako Gradua; Farmaziako Gradua; Albaitaritzako Gradua; Agronomia Ingeniaritza eta Zientziako Gradua	NEIKER (Derio)
8	EAEn pinu radiataren produktibitatea hobetzeko barietate genetiko eta epigenetiko erabilgarria, haren etorkizun zalantzarria kontuan hartuta	Biologiako Gradua; Biokimikako Gradua; Bioteknologiako Gradua; Genetikako Gradua; Agronomia Ingeniaritza eta Zientziako Gradua; Basogintzako Ingeniaritzako Gradua	NEIKER (Arkaute)

2017ko urriaren 25a, asteazkena

Zk.	Proiektuaren izena	Eskatzen diren tituluak	Destinoko zentroa
9	Hobekuntza molekularrerako ereduak garatzea, hobekuntza genetikoaren programa klasikoak azkartzeko	Biologiako Gradua; Biokimikako Gradua; Bioteknologiako Gradua; Genetikako Gradua; Agronomia Ingeniaritza eta Zientziako Gradua	NEIKER (Arkaute)
10	Hainbat gizentze-espezieren haragiaren trazabilitatea, egiatzotasuna eta kalitatea, proteomika eta lipidomikako tekniken bidez	Elikagaien Zientzia eta Teknologiako Gradua; Biologiako Gradua; Biokimikako Gradua; Bioteknologiako Gradua; Farmaziako Gradua; Kimikako Gradua	UPV/EHU, Lascaray Ikerketa Zentroa (Vitoria-Gasteiz)
11	Itsasoko hondakinen balorizazioa	Bioteknologiako Gradua; Kimikaren Ingeniaritzako Gradua; Industriako Ingeniaritza Kimikoko Gradua; Kimikako Gradua; Ingurumen Ingeniaritzako Gradua; Ingurumen Zientzietako Gradua	UPV/EHU, Gipuzkoako Ingeniaritza Eskola (Donostia)
12	AGROCOL-Nekazaritza- eta industria-hondakinen balorizazioa, kolagenoan oinarritutako produktu biodegradagarriak fabrikatzeko	Bioteknologiako Gradua; Kimikaren Ingeniaritzako Gradua; Industriako Ingeniaritza Kimikoko Gradua; Kimikako Gradua; Biokimikako Gradua	UPV/EHU, Gipuzkoako Ingeniaritza Eskola (Donostia)

2.– Teknologoak prestatzeko laguntzak.
Iraupena: 2 urte.

Zk.	Proiektuaren izena	Eskatzen diren tituluak	Destinoko zentroa
1	Mikroegituraren eragina nutrizio-profil hobetua duten produktuen pertzepzio sensorialean	Elikagaien Zientzia eta Teknologiako Gradua; Gastronomia eta Sukaldeko Arteetako Gradua; Farmaziako Gradua; Kimikako Gradua; Giza Nutrizioko eta Dietetikako Gradua;	AZTI (Derio)
2	Euskal arrantza ontzidia Baterako Arrantza Politikari –bereziki nahi gabe hartutako harrapakinen (bazterkinen) murrizketari– egokitzearekin lotutako alderdi teknologikoak	Itsas Zientzietako Gradua; Biologiako Gradua; Ingurumen Zientzietako Gradua; Industria-ingeniaritza	AZTI (Sukarrieta)
3	Long Line sistemaren espezie berriak	Itsas Zientzietako Gradua; Biologiako Gradua	AZTI (Pasaia)
4	Abereen elikaduran neurri berritzaileak ezartzea, produktuen jasagarritasuna eta kalitatea hobetze aldera	Albaitaritzako Gradua; Agronomia Ingeniaritza eta Zientziako Gradua; Nekazaritza Ingeniaritzako Gradua; Biologiako Gradua; Ingurumen Zientzietako Gradua; Biokimikako Gradua	NEIKER (Arkaute)
5	Nekazaritza eta abeltzaintzaren sektorean berotegi-gasen isurpenak modelizatzea	Agronomia Ingeniaritza eta Zientziako Gradua; Biologiako Gradua; Ingurumen Zientzietako Gradua; Mendi Ingeniaritzako Gradua; Informatikaren Ingeniaritzako Gradua; Matematikako Gradua	NEIKER (Derio)
6	Baratze-gaixotasunen kontrol ekologikoa, negutegiko laborantza intentsiboan	Biologiako Gradua; Ingurumen Zientzietako Gradua; Agronomia Ingeniaritza eta Zientziako Gradua; Nekazaritzako Elikagaien eta Landa Ingurunearen Ingeniaritzako Gradua; Basogintza eta Natur Ingurunekeo Ingeniaritzako Gradua; Bioteknologiako Gradua; Ingurumen Biologiako Gradua; Biokimikako Gradua	NEIKER (Derio)
7	Esnetarako behien osasuna hobetzea	Biologiako Gradua; Biokimikako Gradua; Bioteknologiako Gradua; Farmaziako Gradua; Albaitaritzako Gradua	NEIKER (Derio)
8	Laborantza hidroponikoez ingurumenean duten inpaktua, ongarri organikoen erabileraren bidez	Biologiako Gradua; Zientzia Esperimentaletako Gradua; Biokimikako Gradua; Kimikako Gradua; Bioteknologiako Gradua; Elikagaien Zientzia eta Teknologiako Gradua;	NEIKER (Derio)
9	Elikagai berriak diseinatu eta garatzea	Elikagaien Zientzia eta Teknologiako Gradua; Gastronomia eta Sukaldeko Arteetako Gradua;	LEARTIKER (Markina)
10	Orein-haragiaren eta beste ehiza-espezie batzuen nutrizio-kalitatearen ebaluazioa	Elikagaien Zientzia eta Teknologiako Gradua; Biologiako Gradua; Kimikako Gradua; Biokimikako Gradua; Farmaziako Gradua; Bioteknologiako Gradua; Agronomia Ingeniaritza eta Zientziako Gradua	UPV/EHU, Lascaray Ikerketa Zentroa (Vitoria-Gasteiz)

II. ERANSKINA

EUSKAL AUTONOMIA ERKIDEGOKO NEKAZARITZA, ARRANTZA ETA ELIKADURAREN SEKTOREKO
ARLO ZIENTIFIKO-TEKNOLOGIKOAN ETA ENPRESA-ARLOAN IKERTZAILE ETA TEKNOLOGOAK
PRESTATZEKO LAGUNTZEN ESKABIDEA 2018KO EKITALDIRAKO

1.– Datu pertsonalak:

Abizenak:

Izena:

NAN zk.: Sexua:

Helbidea:

Hiria: Posta Kodea:

Lurralde Historikoa:

Telefono-zenbakia: Helbide elektronikoa:

2.– Datu akademikoak:

Titulazioa:

Titulua zer zentrotan eskuratu den:

Titulua noiz eskuratu den:

3.– Zer laguntza-programa eskatzen den.

Interesdunek edozein programatan eskatu ahalko dute laguntza. I. eranskinean jasotako proiektuen artean, gehienez, hiru aukeratu ditzakete. Gaiak lehentasun-ordenaren arabera aukeratu dira, eta ordena horri zorrozki jarraituko zaio laguntzak esleitzerako orduan.

Hurrenkera	Proiektuaren izena
1.	
2.	
3.	

4.– Eskatzaileek aurkeztu beharreko dokumentazio orokorra:

a) Ziurtagiri akademiko osoa (jatorrizkoa zein konpultsaturiko fotokopia); han, eskatzaileak lortutako kalifikazio guztiak eta lortu zitueneko datak zehaztuko dira.

b) Curriculum vitae, eta alegatutako merezimenduen egiaztagiriak. Dokumentu horien guztien bi kopia aurkeztu beharko dira.

c) Nortasun Agiri Nazionalaren fotokopia.

d) Errolda-ziurtagiria, 185/2007 Dekretuko bosgarren puntuko 1.b) paragrafoan xedatutakoa betetzen dela egiaztatzeko.

Datuak Egiaztatzeko Sistemaren bidez nortasunaren eta bizilekuaren gaineko datuak zuzenak direla egiaztatzeko baimena ematen du eskatzaileak, eskaera honen ondoretarako soilik.

Horretarako baimenik eman ezean, markatu eremua eta aurkeztu agiri hauek:

- NANaren fotokopia konpultsatua.
- Errolda-ziurtagiria.

e) Laguntza-proiektu horiek zergatik aukeratu diren justifikatzeko txosten laburra (5 orri, gehienez), dagokion gaiari buruzko ezagutza azalduta, eta profil akademikoa eta profesionala aukeratutako gaiari egokitzen zaiola egiaztatzen duten merezimendu pertsonalak zehaztuta. Dokumentu horien guztien bi kopia aurkeztu beharko dira.

5.– Erantzukizunpeko adierazpena.

Eskatzaileak honako hau ADIERAZTEN DU:

a.– Helburu bererako beste diru-laguntza, laguntza, diru-sarrera edo bestelako baliabideak eskatu edo eskuratu ditu beste administrazio edo erakunde publiko nahiz pribaturen batetik. Adierazi BAIETZ edo EZETZ.

BAIEZKO erantzuna emanez gero, erantsi eskabidearen kopia.

b.– Helburu bererako beste diru-laguntza, laguntza, diru-sarrera edo bestelako baliabideak eskatu edo eskuratu ditu beste administrazio edo erakunde publiko nahiz pribaturen batetik. Adierazi BAIETZ edo EZETZ.

BAIEZKO erantzuna emanez gero, erantsi eman izanaren kopia.

c.– Martxan du edo izan du itzulketa- edo zehapen-prozeduraren bat, eta, hala badagokio, ordainketak egiteke ditu, diru-laguntzak itzultzeari dagokionez. Adierazi BAIETZ edo EZETZ.

BAI erantzunez gero, erantsi prozedurari hasiera emateko agiriaren kopia.

d.– Eskatzaileak zehapen administratibo edo penalak jaso ditu, diru-laguntza edo laguntza publikoak eskuratzea eragozten dutenak, eta halako laguntzak jasotzeko legezko debekuak ditu, sexu-bereizkeriagatiko debekuak barne, Emakumeen eta gizonen arteko berdintasunerako otsailaren 18ko 4/2005 Legearen azken xedapenetatik seigarrenean zehaztutakoarekin bat etorritik. Adierazi BAIETZ edo EZETZ.

BAIEZKO erantzuna emanez gero, erantsi zehapenaren edo debekuaren kopia.

e.– Diru-laguntzei buruzko azaroaren 17ko 38/2003 Lege Orokorreko 13. artikuluan ezarritako gainerako debekuetako bat du. Adierazi BAIETZ edo EZETZ.

BAIEZKO erantzuna emanez gero, zehaztu zer debeku mota duen.

f.– Konpromisoa hartzen du Ekonomiaren Garapen eta Azpiegitura Sailaren Elikagaien Kalitate eta Industriako Zuzendaritzari jakinarazteko laguntza emateko eskatu eta kontuan hartzen diren baldintzetako bati eragiten dioten egoeretan izandako edozein aldaketa, bai eta edozein administrazioren edo erakunde publiko zein pribaturen eskutik helburu bererako diru-laguntzak, laguntzak, diru-sarrerak edo bestelako baliabideak jaso izanaren berri emateko ere.

g.– Eskabide honetan agertzen diren datuak egiazkoak direla; hala ez bada, bere gain hartuko du datuen zehaztasun ezak dakarren erantzukizuna.

HONAKO HAU ESKATZEN DU:Euskal Autonomia Erkidegoko nekazaritza, arrantza eta elikaduraren sektorean ikertzaile eta teknologoak prestatzeko laguntza ematea. Laguntza horren deialdia Ekonomiaren Garapen eta Azpiegituretako sailburuaren 2017ko urriaren 18ko Aginduaren bidez egin da.

.....(e)n, 2017ko(a)ren(e)an.

Sinadura

Izaera Pertsonaleko Datuak Babesteari buruzko 15/1999 Lege Organikoan xedatutakoa betetzeko, Ekonomiaren Garapen eta Azpiegitura Sailak jakinarazten dizu inprimaki honen bidez eskatzen zaizkizun datuak fitxategi batean sartuko direla, prozesatzeko. Zehazki, "Teknologo eta ikertzaileak prestatzeko bekak" izeneko fitxategian, hau da, Ekonomiaren Garapen eta Azpiegituretako sailburuaren 2015eko otsailaren 25eko Aginduaren 68.ean. Agindu horren bidez, Ekonomiaren Garapen eta Azpiegitura Sailak kudeatzen dituen izaera pertsonaleko datuen fitxategi automatizatuak eta automatizatu gabeak arautzen dira. Nahi izanez gero, datuak eskuratzeko, zuzentzeko, ezerezteko eta aurka egiteko eskubideak erabil ditzakezu, legean ezartzen denez. Horretarako, Eusko Jaurlaritzako Ekonomiaren Garapen eta Azpiegitura Saileko Elikagaien Kalitate eta Industriako Zuzendaritzara idazkia bidali beharko duzu, bera baita zure datuak tratatzeko arduraduna (Donostia kalea 1, Vitoria-Gasteiz).